



curtas

PROMOCION DAS CURTAMETRAXES GALEGAS



Resolución de 18 de abril de 2005 do xerente do Consorcio Audiovisual de Galicia pola que se convoca, dentro do Plan de promoción das curtametraxes galegas, o programa Curtas 05.

O Consorcio Audiovisual de Galicia, no exercicio das súas finalidades específicas, de conformidade co establecido no artigo 9 da Lei 6/1999, do 1 de setembro, do audiovisual de Galicia, e no artigo 2 dos seus estatutos, considera oportuno establecer accións de promoción e difusión das curtametraxes de ficción e animación, actuación encadrable no ámbito das súas finalidades, mediante a posta en marcha de accións dirixidas á promoción e divulgación, tanto no eido nacional coma no internacional, das curtametraxes realizadas no ámbito da Comunidade Autónoma de Galicia. Considérase adecuado establecer esta vía de apoio a un sector do audiovisual no que estes procesos, implícitos á produción, son moi complexos.

No exercicio da delegación expresa, concedida polo presidente do Consorcio Audiovisual de Galicia,

RESOLVE

Establecer as bases da convocatoria do programa Curtas 05, dentro do Plan de promoción das curtametraxes galegas.

BASES

1. Obxecto

1. O obxecto desta convocatoria é a promoción e a difusión das curtametraxes realizadas no ámbito da Comunidade Autónoma de Galicia, por medio da elaboración de packs promocionais da forma que a continuación se detalla:
 - Os packs conterán un máximo de 8 curtametraxes, seleccionadas de entre todas as producidas na Comunidade Autónoma de Galicia, que cumpran con cantos outros requisitos establece a presente convocatoria, para a súa difusión entre os sectores e institucións involucrados na actividade audiovisual de Galicia e nos festivais e foros máis importantes neste formato.
2. Para os efectos desta convocatoria, considéranse curtametraxes aquelas producións audiovisuais en formato 35 mm. ou Betacam, e cunha duración inferior aos 30 minutos.
3. Atendendo á natureza promocional do programa Curtas 05, os solicitantes deberán autorizar ao Consorcio Audiovisual de Galicia, nos termos recollidos no anexo II, para que este desenvolva e promova as actividades ás que se refire esta convocatoria e para que poida incorporar nos soportes promocionais que se confeccionen unha parte ou a totalidade das seleccionadas.

2. Persoas ou entidades beneficiarias

Poderanse acoller ao programa Curtas 05 as produtoras, sexan persoas físicas ou persoas xurídicas, legalmente constituídas en Galicia ou establecidas nun estado membro da Unión Europea con sede permanente en Galicia e que teñan dereitos suficientes sobre a obra audiovisual presentada. As produtoras solicitantes deberán estar inscritas no Registro de Empresas do Instituto de la Cinematografía y de las Artes Audiovisuales (ICAA), debendo presentar certificado ao efecto.

3. Órgano de xestión

Corresponderalle ao Consorcio Audiovisual de Galicia a realización das tarefas de xestión necesarias para a confección do catálogo e demais actividades de promoción previstas na convocatoria.

4. Presentación de solicitudes

1. As solicitudes formalizaranse nos modelos de instancia que figuran como anexos.

A. Documentación (anexo I).

A.1. Documentación relativa á persoa/entidade.

a) Cando se trate de persoas físicas:

- Copia do DNI.

b) Cando se trate de persoas xurídicas:

- Copia da tarxeta de identificación fiscal (CIF).
- Copia da escritura de constitución da empresa.
- Copia do DNI do representante legal da persoa xurídica, así como acreditación do poder de representación que exerza.

c) Tanto persoas físicas como xurídicas:

- Copia de Alta no imposto de actividades económicas (IAE).
- Copia de inscrición no Registro de Empresas do ICAA.

No relativo á documentación solicitada nos apartados a), b) e c), achegarase copia compulsada ou, senón, presentarse orixinal e copia para a súa verificación no Consorcio. Se o solicitante xa a achegou noutra convocatoria e esta non sufrira variacións, non será necesario achegala de novo. De se dar o caso, presentarse unha declaración neste sentido, firmada polo representante legal da empresa.

A.2. Documentación relativa á actividade e materiais:

- Acreditación de que a produtora ten copia física en propiedade e de que ten a dispoñibilidade total sobre esta, ben en formato de 35 mm. ou ben en Betacam, indicando o formato da copia que se poría á disposición do Consorcio en caso de ser seleccionada.
- Unha copia en DVD.
- A ficha técnica e artística da curtametraxe (en soporte informático).
- Foto do director.
- Sinopse da curtametraxe (en soporte informático).
- Catro fotografías en formato dixital (alta calidade) da curtametraxe.
- Declaración do representante legal da empresa de que a curtametraxe foi realizada entre o 1 de abril de 2004 e o 31 de marzo de 2005, ambos incluídos.
- Listado dos festivais aos que foi presentada e se vai presentar a curtametraxe que opta á presente convocatoria, así como calquera premio ou mención obtido.

B. Declaración asinada de cesión dos dereitos de explotación: Reprodución, Distribución, Exhibición e Comunicación Pública, co único obxecto de executar o programa Curtas 05 e sempre baixo a denominación de dito programa (anexo II).

C. Declaración de axudas solicitadas ou concedidas para a mesma finalidade nas distintas administracións públicas competentes (anexo III).

2. As solicitudes dirixíranse ao xerente do Consorcio Audiovisual de Galicia e presentáranse na sede do mesmo, sita na rúa do Hórreo, 61-1º, 15702 - Santiago de Compostela. Tamén se poderán remitir por correo certificado a ese mesmo enderezo.
3. O prazo de presentación de solicitudes comeza o día de publicación do anuncio desta Resolución no Diario Oficial de Galicia e remata aos 30 días naturais.
4. Non se tomarán en consideración aquelas solicitudes que non acheguen a documentación establecida no apartado A deste punto.
5. Se unha vez analizada a solicitude e a documentación que hai que acompañar se observase a existencia de defectos, comunicáraselle ao solicitante e concederáselle un prazo de dez días para a súa emenda, polos mesmos medios que os sinalados no apartado 1 deste punto. No caso de non emendar o defecto ou de facelo de modo inadecuado, entenderase que desiste da solicitude formulada.

5. Compatibilidade

A participación neste programa será compatible con calquera outra axuda concedida por outras entidades para a mesma finalidade, e deberá presentar unha declaración de axudas solicitadas/recibidas por outras administracións públicas ou outros entes públicos ou privados, nacionais ou internacionais, empregando o modelo que figura como anexo III.

6. Comisión de Selección

1. Para seleccionar os proxectos presentados que pasarán a formar parte do Catálogo Promocional, reunirse unha Comisión de Selección que analizará as solicitudes.
2. A Comisión de Selección estará integrada por:
 - **Presidente:** xerente do Consorcio Audiovisual de Galicia.
 - **Vocais:**
 - 1 vocal en representación do Centro Galego de Artes da Imaxe.
 - 2 vocais nomeados entre expertos do sector audiovisual.
 - **Secretario:** actuará como secretario da Comisión, con voz e voto, o secretario do Consello de Dirección do Consorcio Audiovisual de Galicia.
3. O Catálogo incluirá un máximo de 8 curtametraxes, seleccionadas pola Comisión en base aos seguintes criterios:
 - a) A calidade da realización da curtametraxe, a dirección e a interpretación.
 - b) A calidade do guión.
 - c) O interese da curtametraxe. Valorarase especialmente a súa proxección nos mercados e festivais.
4. Os membros da Comisión de Selección non poderán ter participación persoal nin profesional, nin relación empresarial coas produtoras das curtametraxes obxecto da selección.

7. Resolución

1. Á vista da proposta formulada pola Comisión de Selección, o xerente ditará resolución na que estableza as producións audiovisuais seleccionadas para formar parte do Catálogo e notifícalas aos interesados.
2. A resolución ditarase no prazo máximo de 3 meses, dende a finalización do prazo de recepción de solicitudes.
3. Transcorrido este prazo sen que se notifique resolución expresa, as solicitudes entenderanse desestimadas.

8. Dereitos das persoas ou entidades beneficiarias

1. A recibir material promocional elaborado para o programa Curtas 05.
2. Á realización do subtulado ao inglés da copia en 35 mm., sempre e cando a produtora puxera este formato á disposición do Consorcio para o desenvolvemento do programa Curtas 05.
3. Á inscrición nunha selección de festivais e mercados de distinto ámbito nacional e internacional, recibindo comunicación no caso de ser seccionados para participar nalgunha das seccións dos mesmos, co fin de que poidan enviar todo o solicitado polo evento do que se trate.
4. A que se lle de a máxima difusión á súa curtametraxe no eido nacional e internacional, garantindo a súa distribución entre programadores e responsables de compra de distintas canles e salas de exhibición.
5. Á devolución da copia da curtametraxe facilitada ao Consorcio, nun prazo máximo de 2 anos despois de seren inscritas no programa Curtas 05 e, en todo caso, antes do 31 de decembro de 2007.

9. Obrigas das persoas ou entidades beneficiarias

1. A entregar ao Consorcio unha copia en 35 mm. ou Betacam, para levar a cabo as proxeccións que se realicen dentro do programa Curtas 05.
2. A facilitar ao Consorcio calquera tipo de información e material sobre a curta que requira, ao único obxecto de acadar, da mellor forma posible, os fins do Curtas 05.
3. A ter mensualmente informado ao Consorcio das modificacións que sufra o plan de inscricións a festivais e mercados, co fin de non duplicar esforzos, así como dos recoñecementos que se obteñan.
4. Pór en coñecemento do Consorcio os datos de distribución e venda dos dereitos da curtametraxe.

Santiago de Compostela, a 18 de abril de 2005

O xerente

Ignacio Varela Ramos

Anexo I

DATOS DA PERSOA FÍSICA OU XURÍDICA

Denominación da persoa física ou xurídica

Enderezo

Código postal

Localidade

Teléfono

Fax

Correo electrónico

DOCUMENTACIÓN PARA ACHEGAR POLA PERSOA/ENTIDADE SOLICITANTE

1. Documentación relativa á persoa/entidade:

A) Cando se trate de persoas físicas:

Copia do DNI.

B) Cando se trate de persoas xurídicas:

Copia da tarxeta de identificación fiscal (CIF).

Copia da escritura de constitución da empresa.

Copia do DNI do representante legal da persoa xurídica, así como acreditación do poder de representación que exerza.

C) Tanto persoas físicas como xurídicas:

Copia de alta no imposto de actividades económicas (IAE).

Copia de inscrición no *Registro de Empresas* do *Instituto de la Cinematografía y de las Artes Audiovisuales*.

Declaración de ter presentado noutra convocatoria esta documentación e non sufrir variación ningunha.

2. Documentación relativa á actividade e aos materiais:

Acreditación de que a produtora ten copia física en propiedade e de que ten a dispoñibilidade total sobre esta, ben en formato de 35 mm. ou ben en formato Betacam. Indicar o formato.

35 mm. Betacam

Unha copia en DVD.

A ficha técnica e artística da curtametraxe (en soporte informático).

Foto do Director.

Sinopse da curtametraxe (en soporte informático).

Catro fotografías en formato dixital (alta calidade; *.eps ou *.tif) da curtametraxe.

Acreditación de que a curtametraxe foi realizada entre o 1 de abril de 2004 e o 31 de marzo de 2005, ambos incluídos. (1)

Declaración de asistencia a festivais. Tamén dos premios e mencións obtidos.

En _____, a _____ de _____ de 2005

Sinatura (2)

(1) Declaración responsable do representante legal da empresa.

(2) O asinante deberá coincidir con quen ocupe a representación legal da entidade.

Xerente do Consorcio Audiovisual de Galicia

Anexo II

D./Dona _____, con DNI _____, no nome e representación de _____

CIF _____ Domicilio _____

(Deberase especificar se é en nome propio ou, no seu defecto, no da empresa á que representa, e indicar os seus datos identificativos, nome, CIF e enderezo).

DECLARA

Que _____ é a empresa produtora da creación audiovisual titulada _____, que presenta ao programa promocional Curtas 05 do Consorcio Audiovisual de Galicia

Título:

Duración:

Que a empresa que representa é titular ou ostenta os dereitos de explotación económica (Reproducción, Distribución, Exhibición e Comunicación Pública) sobre a mencionada creación audiovisual para atender as necesidades derivadas do mencionado programa promocional do Consorcio Audiovisual de Galicia, Curtas 05.

Que, a efectos da presente convocatoria, ten a conformidade dos autores da creación audiovisual, que autorizan ao Consorcio Audiovisual de Galicia para que, por si mesmo ou por terceira persoa, dentro do programa promocional Curtas 05, dispoña da creación audiovisual

e, en concreto, dos dereitos antes mencionados, para que desenvolva e promova as actividades que se contemplan nesta resolución e para que poida incorporar, nos soportes promocionais que se confeccionen, unha parte ou a totalidade da referida creación audiovisual, no marco das actividades promocionais descritas no citado programa.

Que, así mesmo, autoriza ao Consorcio Audiovisual de Galicia para efectuar copias en VHS e/ou DVD e/ou Betacam da citada produción, para o seu uso, aos únicos e exclusivos efectos do programa Curtas 05.

En _____, a _____ de _____ de 2005

Asinado:

(Nome e dous apelidos)

DNI:

Anexo III

Declaración das axudas solicitadas ou concedidas para a mesma finalidade nas distintas administracións públicas competentes

D./Dona _____, con DNI _____ solicitante dunha axuda, en representación da entidade _____, para a finalidade do programa Curtas 05, ao abeiro da presente resolución, declara que nas datas que a continuación se relacionan presentou solicitude/s e que lle/s foi/foron concedida/s, se é o caso, a/s seguinte/s axuda/s para o mesmo fin.

DENOMINACIÓN DO ORGANISMO, SOCIEDADE OU ENTIDADE PÚBLICA Á QUE LLE FOI SOLICITADA A AXUDA	DATA DE		CONTÍA
	SOLICITUDE	CONCESIÓN	

Non ter solicitado nin, en consecuencia, concedida ningunha axuda para o mesmo fin das distintas administracións públicas competentes.

En _____, a _____ de _____ de 2005

Asinado:
(Nome e dous apelidos)